

万国新史简要

一函
三册

萬國總說

地形如球周圍三百六十五度三分之二水居其一陸居其一泰西人分水爲五洋曰太平洋曰大西洋曰印度洋曰南冰洋曰北冰洋土爲六洲曰亞細亞曰歐羅巴曰亞非理駕在地球之東半曰南亞美理駕曰北亞美理駕在地球之西半其外大洋島嶼甚多總之卽一洲名阿塞亞尼亞

地球以南北兩極爲軸而赤道橫繞其中日輪正照地氣炎熱赤道南北各二十三度二十八分爲黃道限寒溫漸

得其平又再北再南各四十三度四分爲黑道去日漸遠
凝陰沍結凡天下富強諸國率在黃道限內其沿革事蹟
歷歷可徵赤道限內次之漸近黑道風氣矇昧生齒稀少
風俗獷狃無復史載可稽

萬國古今沿革不可勝記其說天地開闢互有異同如我
國古傳三神成造化之始二靈爲萬品之祖天祖天孫統
理大八洲理實灼然不可誣也中華上古有盤古氏以至
伏羲神農氏年代邈不可考核迨唐虞始有文物足徵至
於西人所傳詳諸亞西亞記或曰人類大別五種曰黃色

曰白色曰黑色曰紫色曰銅色原其始祖各自不同

萬國開闢之初其民茹毛寢皮顓蒙無知有聖人起開物
成務使之漸進禮義古初各國概皆君主專治其人亡則
其政熄德行文章與君主存滅百年以來學者唱自主說
曰獨立不倚遊于法中爲生人之通誼天下公器人身至
重不可委大權於一人而受其制縛以死刑爲涼德以交
戰爲野蠻思神聖當國遵守永遠息兵之約則自今以往
文化之開本可以自今以前例之也

歐羅巴幅員不過亞細亞四分之一亞非理駕三分之一
大西洋海水由西北灣環注入曰波羅的海又由西南東
注曰地中海再分小注東北合巨浸曰黑海環波羅的
海南盡地中海北至黑海之北岸爲歐羅巴全土曠野居
其二山嶺居其一海隅灣泊甚多田土肥瘠不等

全洲分南北二部北部寒冷有俄羅斯瑞典普魯士奧斯
地亞日耳曼丁抹荷蘭瑞西法蘭西英吉利諸國南部溫
暖有西班牙葡萄牙意大利希臘土耳其諸國都邑壯麗
道路修潔人生必需之物遊戲之具盡備動植尤爲夥庶

惡毒之物絕少

洲內戶口三億高加索族最眾芬士刺伯薩謨厄匈牙利
韃靼該馬克土耳其諸族不過高加索族三分之一高加
索族技藝精微冠絕五洲理學政治彝倫靡不講習商賈
爲本關有稅而田無賦航海貿遷不辭險遠宗教大率奉
耶穌所在設禮拜堂唯土耳其全土俄羅斯數部崇回回
教間有奉猶大教者

上古歐羅巴人游獵爲生食肉寢皮希臘各國首被東方
之化耕田造器百務乃興繼希臘者爲羅馬創業垂統疆

士四闢始成混一歐土之勢後衰亂爲戰國四分五裂無
所統一而文通智識大進中國人嘗創火礮西厯紀元一
千三百年代末日耳曼人蘇爾的斯始模造之未得運用
之法及帖木兒郎王撒馬兒罕有歐人來投爲兵攜火藥
礮位以歸諸國講究練習盡得其妙更變通其法創爲鳥
銃用以攻敵百戰百勝以巨艦涉海西闢亞美理駕全土
東得印渡南洋諸島聲勢縱橫四海

亞美理駕洲總說

亞美理駕洲分南北中央一綫相連形如蜂腰北距北冰

洋南近南冰洋長約三千七百里東隔大西洋與歐羅巴
亞非理駕兩洲相望西界太平洋直對亞細亞東境無別
土廣狹不等極西北一隅與亞細亞之極東北隅隔一海
港全洲延袤等亞細亞大半荒蕪氣候南北沍塞中央溽
暑如蒸寶藏甲于天下動植諸物彙行充斥舊無牛馬羊
豕犬猶自歐羅巴傳之今則蹄角徧地

北亞美理駕洲有英屬亞美理駕美國墨西哥諸國南亞
美理駕洲有委內瑞拉新加拉太厄瓜多巴西秘魯玻
里非智利諸國二洲中間有羣島羅列曰西印度

洲內戶口約八千五百萬分四種曰印度人卽土人先哥
命波創見散居大陸種類殊多風俗言語各異曰白人卽
哥倫波以後歐土各國流寓之裔曰黑人係亞非理駕人
裔曰雜人分三族或土母白父或黑母白父或黑母土父
三種膚色不同其教法土人崇奉異教歐人遷至後傳耶
穌教徧于各地學藝與歐羅巴同亦由歐人薰陶推美國
爲首

西歷八百年間歐羅巴北方海盜成羣出沒忽得一島曰
發祿據而有之遂爲藪穴八百六十一年盜魁航海回島

爲風所驅至一地泊舟登岸四無人聲亦無室廬叢林茂
樹掩映山谷會天大雪名之曰雪洲後人呼曰冰洲卽愛
撒蘭又有一島滿地綠草名曰綠土尋那威人遷居九百
八十年新建邑里四方遷居者日繇一千三百四十八年
瘟疫流行死傷大半其不死者爲鴨斯基毛人所殲迄今
遺址依然冰洲傳記稱一千年間有數舟揚帆抵一地草
木不生磐石嶙峋呼之曰石地蓋今新著大島之東南也
又行海濱有山嶄然壁立白沙徧地林木叢雜呼之曰木
地蓋今新蘇格蘭再行海濱土壤豐腴因止以過嚴冬地

達爾葛甚甘美蓋今合眾部新英蘭

八百年代那威人創見愛撒蘭九百年間構室屋于哥里
蘭其事歷歷足徵當時歐人未有巨艦嘗于航海之術而
能航此地可謂奇矣如印度人居在此地其說殊不可解
自墨西哥迤南諸部尙存城堡寺院市街故墟屋瓦煙突
鍍金諸器類皆數千年前物墨西哥石冢二千許其大者
高十二丈人物形狀大與印度人異意古時有數百萬開
明之民立國會有天變人物一切蕩滅印度人自亞細亞
遷徙也或疑往昔韃靼人經白令峽抵亞美理駕見最北

所存之物最古迤南漸新則其說亦非無理倭海阿密蘇里亦有巨大建築及畫圖彫象諸物足以想像數千年前開化之狀

愛撒蘭哥里蘭及北極地方爲北亞美理鴉士人鴨斯基毛及印度人種所棲息鴨斯基毛人種似巴蘭人恐數千年前歐人移住也相傳往昔迦太基人發見南亞美理駕徙其民然至哥倫波時二二千年間無人筆其說者要之道亞美理駕事迹者以哥倫波爲嚆矢

一千四百年間歐羅巴諸國航海術大開人民智識漸進

當時人未知地體圓轉之理皆謂航海至地盡處則類墜
鬼界或謂大洋盡處有怪物充斥意大利人有哥倫波一
千四百三十六年生于熱那亞父爲船師哥倫波幼從父
于船族人有艤船巡哨海上以抗回教人威尼斯人者哥
倫波助之與敵人戰于海上敵放火一船焚死哥倫波投
海墮免而猶不懲艾專事航海聞葡萄牙人方講航海術
乃抵立士本娶海客伯勒斯列羅女見其家所藏海圖及
測量器忽憬悟謂地體渾圓航西不止當抵印度否則西
方必有一大陸葡人嘗見巨蔗于海濱又有奇形草木及

彫刻木浮于洋面或異人口漂至哥倫波聞之益信其說
不錯將航海驗其實歸熱那亞訴諸政府政府以爲狂不
可哥倫波再至葡說王約翰第二約翰以爲然欲收奇功
甘言慰諭陰發數隻船西航數日終無所得而還哥倫波
怒使其弟巴爾索羅摩見英王顯理第七說之身負一子
赴西班牙途上資竭乞食遂達都城見王匪地難多及后
依薩伯拉說之王與后初弗信居八年遂納其言有人譏
哥倫波哥倫波攬淚將辭去依薩伯拉深信哥倫波止之
賈所愛寶玉粧具爲賞許行其志曰功成爲新地牧伯一

千四百九十二年八月三日哥倫波率一百二十人駕三隻船自巴路港發西南進達加拿理島更正西行二月餘望見水涯現雲峯以爲陸地者數會羅盤針不指北斗舟師膽落忽見海面如鋪綠草蓋潮水堅凝也船不能進舟人極口罵哥倫波脅之還船哥倫波溫言撫慰約三日西進既而見水漸淺葭葦樹枝浮于波上陸鳥飛翔檣上及夕陽西沒茫乎不見一物命卸帆以避昆礁至夜半遙望火光閃閃映波檣上人忽大呼曰陸地陸地眾喜極而泣拜哥倫波不睡待天明認一島嶼在前窺以遠鏡有隄磯

草色蒙茸乍覩人烟舟人奏樂一齊鼓枹傍岸哥倫渡左
手提劍右手執旗踊躍上岸土人成羣來觀駭愕甚以爲
神人乘大鳥自天降至蓋以船爲鳥帆爲羽翼也土人皆
裸膚如銅以金環穿耳鼻間地之答曰瓜亞那哈尼哥倫
波以爲天助更名曰三薩瓦多猶言神聖救護是爲十月
十一日事實後小松天皇應永十九年九月某日也哥倫
波以琉璃片珊瑚鐵釘諸物交易黃金更南得古巴島與
聖多明哥島聖多明哥本名海地有土人數族各有頭目
曰加什及從童僕乘車輿而至見船內諸器具驚訝久之

哥倫波將復命會一船膠淺破壞一船漂亡不知所往乃以破船作小寨留三十人居之欲示威土人將手統操練忽火煙噴起飛丸迸發土人有絕叫而倒者更放大礮鐵丸轟激摧船一面土人益震怖一千四百九十三年一月四日哥倫波發海地東馳數日遇颶殆覆心期必死書是行所見之狀工羔皮紙藏諸木桶以瀝青密封投之海中以冀其漂至陸地既而風稍穩獲免三月十七日船入巴路港西人發礮鳴鐘祝之岸上人出觀者如堵哥倫波登陸赴都城巴塞羅內車載珍異物品整列鹵簿朝王宮王